

ՊԱՅՄԱՆԱԳԻՐ N 8-22

ԳԻՏԱԿԱՆ ԵՎ ԳԻՏԱՏԵԽՆԻԿԱԿԱՆ ԳՈՐԾՈՒՆԵՈՒԹՅԱՆ ԵՆԹԱԿԱՌՈՒՑՎԱԾՔԻ  
ՊԱՀՊԱՆՄԱՆ Ու ԶԱՐԳԱՑՄԱՆ ԾՐԱԳՐԻ ԻՐԱԿԱՆԱՑՄԱՆ ՀԱՄԱՐ ՊԵՏՈՒԹՅԱՆ  
ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ  
ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ

Քաղաք Երևան

«27» 01, 2015թ.

Հայաստանի Հանրապետության գիտությունների ազգային ակադեմիայի նախագահությունը, ի դեմս ՀՀ ԳԱԱ նախագահ Ռադիկ Մարտիրոսյանի (այսուհետ՝ ՀՀ ԳԱԱ), որը գործում է ՀՀ ԳԱԱ կանոնադրության հիման վրա, մի կողմից, և ՀՀ ԳԱԱ հնագիտության և ազգագրության ինստիտուտ ՊՈԱԿ -ը, ի դեմս տնօրեն Պավել Ավետիսյանի (այսուհետ՝ Կազմակերպություն) որը գործում է Կազմակերպության կանոնադրության հիման վրա, մյուս կողմից (այսուհետ՝ միասին՝ Կողմեր), հիմք ընդունելով Հայաստանի Հանրապետության կառավարության 2001 թվականի նոյեմբերի 17-ի N 1121 որոշումը (այսուհետ՝ որոշում), «Հայ հնագիտության, ազգագրության և բանահյուսության արդի և հեռանկարային զարգացման խնդիրները» ծրագրի (այսուհետ՝ ծրագիր) իրականացման նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

**1. Պայմանագրի առարկան**

1.1. Սույն պայմանագրով ՀՀ ԳԱԱ-ն պարտավորվում է ծրագրի իրականացման նպատակով Կազմակերպությանը հատկացնել Հայաստանի Հանրապետության 2015 թվականի պետական բյուջեով նախատեսված՝ մինչև 326392000 գումար, իսկ Կազմակերպությունը պարտավորվում է ծրագիրն իրականացնել որոշմամբ և սույն պայմանագրով սահմանված կարգով:

1.2. Ծրագրով նախատեսված՝ Կազմակերպության կողմից իրականացվելիք միջոցառումների (այսուհետ՝ միջոցառումներ) կատարման փուլերի ժամկետները որոշվում են առաջադրանքով և օրացուցային պլանով, որոնք սույն պայմանագրի անբաժանելի մասն են (հավելվածներ 1 և 2):

**2. Կողմերի իրավունքները և պարտավորությունները**

2.1. ՀՀ ԳԱԱ-ն իրավունք ունի՝

2.1.1. Կազմակերպությունից պահանջել կատարելու սույն պայմանագրի 2.4. կետով նախատեսված պարտավորությունները.

2.1.2. ցանկացած ժամանակ (այդ թվում՝ լիազոր մարմնի միջոցով) ստուգելու Կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը.

2.1.3. չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և Կազմակերպությունից պահանջելու վճարել սույն պայմանագրի 6.1-ին կետով նախատեսված տուգանքը.

2.1.4. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. Կազմակերպությունը ժամանակին չի սկսում ծրագրի իրականացումը, կամ ծրագրի իրականացման ժամանակ ակնհայտ է դառնում, որ այն պատշաճ չի իրականացվելու,

բ. Կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին.

2.1.5. սույն պայմանագիրն օրենքով կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

2.2. Կազմակերպությունն իրավունք ունի՝

2.2.1. իրականացված միջոցառման արդյունքը ՀՀ ԳԱԱ կողմից ընդունվելու դեպքում պահանջելու վճարել իրեն հասանելիք գումարը.

2.2.2. ՀՀ ԳԱԱ կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները.

2.2.3. ծրագրի կատարման համար, օրենսդրությամբ սահմանված կարգով, ներգրավել երրորդ անձանց.

2.2.4. ՀՀ ԳԱԱ գրավոր համաձայնությամբ այլ կազմակերպություններին հանձնել կատարված աշխատանքների արդյունքները:

2.3. ՀՀ ԳԱԱ-ն պարտավոր է՝

2.3.1. ծրագրով նախատեսված դեպքերում աջակցել Կազմակերպությանը.

2.3.2. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ.

2.3.3. իրականացնել ծրագրով նախատեսված այլ աշխատանքներ.

2.3.4. իրականացված միջոցառման մասին ներկայացված կատարողական հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 20 աշխատանքային օրվա ընթացքում: Եթե ներկայացված հաշվետվությունների համաձայն իրականացված միջոցառումը համապատասխանում է ծրագրի և սույն պայմանագրի պահանջներին, ապա դրանք ընդունվում են: Ընդ որում ՀՀ ԳԱԱ-ն հաշվետվությունն ընդունելու դեպքում եռօրյա ժամկետում դրա մասին գրավոր ծանուցում է Կազմակերպությանը.

2.3.5. ստուգել ու ամփոփել Կազմակերպության կողմից ծրագրի իրականացման ենթակա գործառնությունների գծով ձեռք բերված քանակական ու որակական ցուցանիշների վերաբերյալ տեղեկությունների հիման վրա հաշվարկված գումարի չափի մասին հաշվարկները և իր եզրակացության հետ միասին դրանք ներկայացնել ՀՀ ֆինանսների նախարարություն՝ վերջինիս կողմից սահմանված կարգով և ժամկետներում:

2.4. Կազմակերպությունը պարտավոր է՝

2.4.1. ծրագիրը կատարել անձամբ.

2.4.2. ծրագիրը կատարել ՀՀ ԳԱԱ կողմից հաստատված գիտական ծրագրի առաջադրանքին համապատասխան և դրա արդյունքը ՀՀ ԳԱԱ հանձնել սահմանված ժամկետում.

2.4.3. պայմանագրով նախատեսված ֆինանսական միջոցներն օգտագործել ծրագրով և սույն պայմանագրով սահմանված նպատակներով ու չափաքանակներով.

2.4.4. կատարել ՀՀ ԳԱԱ կողմից բացահայտված թերությունների վերացման նպատակով տրված ցուցումները.

2.4.5. աշխատանքի սպասվելիք արդյունքի ստացման անհնարինության հայտնաբերման կամ աշխատանքը շարունակելու աննպատակահարմարության մասին անհապաղ տեղեկացնել ՀՀ ԳԱԱ.

2.4.6. ՀՀ ԳԱԱ ներկայացնել հաշվետու ժամանակաշրջանում սույն պայմանագրի շրջանակներում վճարման գումարի չափի վերաբերյալ հայտ (այտուհետ՝ հայտ)՝ մինչև հաշվետու ամսվան հաջորդող ամսի 10-ը: Հայտում նշվում է սույն պայմանագրի շրջանակներում Կազմակերպության կողմից ծրագրի իրականացման ենթակա գործառույթների գծով ձեռք բերված քանակական ու որակական ցուցանիշների վերաբերյալ տեղեկություններ և դրանց հիման վրա հաշվարկված գումարի չափի մասին մանրամասն հաշվարկներ.

2.4.7. իրականացնել ծրագրի շրջանակներում ՀՀ ԳԱԱ կողմից տրամադրված գումարների՝ Հայաստանի Հանրապետության հաշվապահական հաշվառման N 20 ստանդարտի դրույթներին համապատասխան հաշվառում.

2.4.8. սույն պայմանագրով սահմանված կարգով ՀՀ ԳԱԱ ներկայացնել միջոցառումների իրականացման մասին հաշվետվություններ՝ առանց այլ կազմակերպությունների պատվերների կատարման ընթացքում ստացված գիտական արդյունքների, իսկ ծրագրի ավարտից հետո՝ տարեկան ամփոփ հաշվետվություն՝ դրան կցելով աշխատանքի հանձնման-ընդունման երկկողմ ակտ.

2.4.9. սույն պայմանագրի գործողության ընթացքում ապահովել ծրագրի իրականացմանը վերաբերող փաստաթղթերին ծանոթանալու ՀՀ ԳԱԱ հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում.

2.4.10. ՀՀ ԳԱԱ կողմից առանձին միջոցառումների իրականացման մասին հաշվետվությունները չընդունվելու դեպքում Կազմակերպությունը պարտավորվում է անվճար՝ ՀՀ ԳԱԱ կողմից սահմանված ողջամիտ ժամկետում վերացնել արձանագրված անհամապատասխանությունները.

2.4.11. ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան:

### **3. Ծրագրի ֆինանսավորման չափը**

3.1. Ծրագրի ֆինանսավորման չափը կազմում է 326392000 (երեք հարյուր քսանվեց միլիոն երեք հարյուր ինսուներկու հազար) ՀՀ դրամ:

### **4. Մոնիթորինգը**

4.1. ՀՀ ԳԱԱ-ն ծրագրի իրականացման նախնական, ընթացիկ և ամփոփիչ արդյունքների համապատասխանության գնահատման նպատակով իրականացնում է մոնիթորինգ:

4.2. Մոնիթորինգն իրականացվում է ՀՀ ԳԱԱ կամ նրա կողմից լիազորված անձի կողմից:

4.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով Կազմակերպությանը տրվում են ցուցումներ, և կատարվում են առաջարկություններ:

4.4. ՀՀ ԳԱԱ-ն ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:

4.5. Մոնիթորինգի իրականացման ընթացքում Կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

## **5. Վճարման կարգը և ժամկետները**

5.1. Կազմակերպությանը վճարումները կատարվում են հայտն ընդունվելու օրվան հաջորդող 20 աշխատանքային օրվա ընթացքում, եթե ծրագրով սահմանված չեն վճարումների կատարման այլ կարգ և ժամկետներ:

5.2. ՀՀ ԳԱԱ-ն վճարում է կատարած աշխատանքի համար մինչև արդյունքը ստանալու անհնարինությունը պարզելը, եթե դա տեղի է ունեցել Կազմակերպությունից անկախ հանգամանքների հետևանքով:

5.3. ՀՀ ԳԱԱ-ն Կազմակերպությանը վճարում է կանխավճար՝ սույն պայմանագրով նախատեսված գումարի մինչև 92 տոկոսի չափով՝ մինչև 300280640 (երեք հարյուր միլիոն երկու հարյուր ութսուն հազար վեց հարյուր քառասուն) ՀՀ դրամ, որն ըստ եռամսյակների բաշխվում է հետևյալ կերպ. 1-ին եռամսյակում՝ 20 տոկոս, 2-րդ եռամսյակում՝ 25 տոկոս, 3-րդ եռամսյակում՝ 25 տոկոս, 4-րդ եռամսյակում՝ 30 տոկոս:

5.4. ՀՀ ԳԱԱ-ն Կազմակերպությանը սույն պայմանագրով նախատեսված գումարի 8 տոկոսը վճարում է տնտեսական և այլ ծախսերի մասով հատկացված գումարից, եթե միջոցառումների իրականացման մասին հաշվետվությանը ՀՀ ԳԱԱ կողմից տրվել է դրական եզրակացություն:

## **6. Կողմերի պատասխանատվությունը**

6.1. Սույն պայմանագրով և ծրագրով նախատեսված պարտավորությունների չկատարման կամ ոչ պատշաճ կատարման դեպքում Կազմակերպությունը պարտավորվում է փոխհատուցել չիրականացված միջոցառման չափով և վճարել տուգանք՝ չիրականացված միջոցառման համար նախատեսված գումարի 1 տոկոսի չափով: Ընդ որում տուգանքի վճարումը Կազմակերպությանը չի ազատում իր պարտավորությունները կատարելու և խախտումները վերացնելու պարտականությունից: ՀՀ ԳԱԱ-ն սույն կետով նախատեսված գումարները հաշվարկում և հաշվանցում է Կազմակերպությանը վճարվելիք գումարներից:

## **7. Պայմանագրի գործողության ժամկետը**

7.1. Պայմանագիրն ուժի մեջ է մտնում Կողմերի ստորագրման պահից և գործում է մինչև Կողմերի ստանձնած պարտավորությունների՝ ամբողջ ծավալով կատարումը:

## **8. Անհաղթահարելի ուժի ազդեցությունը (ՖՈՒՄ-ՄԱԺՈՒ)**

8.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի

իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա Կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

#### 9. Եզրափակիչ դրույթներ

9.1. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են Կողմերի կողմից:

9.2. Պայմանագիրը կնքվում է երկու օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ: Պայմանագրի անբաժանելի մասն են՝

ա. Կազմակերպության կողմից ՀՀ ԳԱԱ ներկայացված գիտական ծրագրի հայտը,

բ. Առաջադրանքը (հավելված 1),

գ. Օրացուցային պլանը (հավելված 2),

դ. Պայմանագրի գնի մասին համաձայնության արձանագրությունը (հավելված 3),

ե. Գիտական ծրագրի նախահաշիվը (հավելված 4):

9.3. Պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

#### 10. Կողմերի հասցեները, բանկային վավերապայմանները և ստորագրությունները

ՀՀ ԳԱԱ նախագահություն

ք. Երևան, Մարշալ Բաղդասյան պող., 24  
Արարատ բանկ ԲԲԸ, Հ/հ 1510005175820100  
ՀՎՀՀ 00005673

Նախագահ՝ Ռ.Մարտիրոսյան



Ռ. Մարտիրոսյան  
(ստորագրություն)

ՀՀ ԳԱԱ «Հնագիտության և ազգագրության  
ինստիտուտ» ՊՈԱԿ

ք. Երևան, Չարենցի 15  
ԱՄԵՐԻԱ բանկ ՓԲԸ, Հ/հ 1570003154220100  
ՀՎՀՀ 1501503104

Տնօրեն՝ Պավել Ավետիսյան



Պավել Ավետիսյան  
(ստորագրություն)

Հավելված 1  
«27» 01 2015 թ.  
N Ե-22 պայմանագրի

## ԱՌԱՋԱԴՐԱՆՔ

### Հայ հնագիտության, ազգագրության և բանահյուսության արդի և հեռանկարային զարգացման խնդիրները» ծրագրի

1. Աշխատանքի կատարման հիմքը՝ Հայաստանի Հանրապետության 2015 թվականի  
պետական բյուջե

2. Աշխատանքի նպատակը՝ Բնստիտուտի ենթակառուցվածքի պահպանում և  
զարգացում, հնագիտության, ազգագրության, ազգաբանության, էթնոսոցիոլոգիայի, բանագի-  
տության, վիմագրության, ֆիզիկական մարդաբանության, հնեակենսաբանության ոլորտնե-  
րում հիմնարար և կիրառական հետազոտությունների կատարում, հնագիտական պեղումնե-  
րի իրականացում, ազգագրական, բանագիտական գիտարշավների կազմակերպում՝ ՀՀ տա-  
րածքում, Արցախում և սփյուռքում, կադրերի պատրաստում և վերապատրաստում, գիտաժո-  
ղովների կազմակերպում, գիտական աշխատանքների համար անհրաժեշտ նյութատեխնի-  
կական բազայի պահպանում և թարմացում, գիտական հետազոտությունների հրատարա-  
կություն:

3. Աշխատանքին ներկայացվող հիմնական պահանջները.

Գիտական պատշաճ մակարդակով և սահմանված ժամկետում կատարել ծրագրով  
նախատեսված աշխատանքները:

Սահմանված ժամկետի ավարտին ներկայացնել գիտական հաշվետվությունը:

Ամբողջ ծրագրի կատարման ընթացքում ներկայացնել հրատարակության պատրաստ  
ուսումնասիրությունները:

Ծրագրի շրջանակներում կատարվող թեմաները և գիտական միջոցառումները պետք  
է նպաստեն գիտության տվյալ ոլորտի առաջընթացին, լինեն արդիական:

Ըստ հնարավարին թարմացնել ծրագրի իրականացման համար անհրաժեշտ  
նյութատեխնիկական բազան:

Ծրագրի շրջանակներում զարգացնել միջազգային գիտական համագործակցությունը:

Ծրագրի կատարման աշխատանքներում ընդգրկել երիտասարդ կադրերի:

Հրատարակության ներկայացնել համակողմանի քննարկված և բանախոսների  
դրական եզրակացությամբ գիտական ուսումնասիրություններ:

4. Աշխատանքի բովանդակությունը.

“Հայ հնագիտության, ազգագրության և բանահյուսության արդի և հեռանկարային  
զարգացման խնդիրները (2011-2015 թթ.)” ծրագրի շրջանակներում 2015 թվականի համար  
նախատեսված ինստիտուտի գիտահետազոտական աշխատանքները ներառելու են հետևյալ  
բաղադրիչները.

*Ա/ Հիմնարար և կիրառական հետազոտություններ: Բ/ Դաշտային հնագիտական  
հետազոտություններ (պեղումների), ազգագրական և բանահյուսական հավաքչական*



գիտարշավներ: Գ/ Մշակութային արժեքների վերականգնում, վավերագրում և թանգարանացում: Դ/ Անալիտիկ լաբորատոր հետազոտություններ: Ե/ Գեոդեզիական քարտեզագրական և ճարտարապետական չափագրական աշխատանքներ: Զ/ Արխիվային նյութերի մշակում և ուսումնասիրություն: Է/ Միջազգային համագործակցություն: Ը/ Գիտական ուսումնասիրությունների հրատարակում: Թ/ Կադրերի պատրաստում և վերապատրաստում: Ժ/ Գիտաժողովների, սեմինարների և կլոր սեղանների կազմակերպում: ԻՄ/ Ամառային դպրոցների կազմակերպում: ԺԲ/ Հնագիտական տեղեկատվական համակարգի ստեղծում: ԺԳ/ Բնտերնետային կայք: ԺԴ/ Գրադարանի համլրում: ԺԵ/ Հնագիտական հանգրվանների ընթացիկ վերանորոգում /Արտաշատ, Արմավիր, Դիլին/: ԺԶ/ Բնաստիտուտի հիմնական և օժանդակ շենքերի ընթացիկ վերանորոգում: ԺԷ/ Պեղվող հուշարձանների պահպանության կազմակերպում, կոնսերվացման և թանգարանացման աշխատանքներ:

**Ա/ Հիմնարար և կիրառական հետազոտություններն** իրականացվելու են

11 ենթածրագրերով, որոնք իրենց հերթին ներառում են ինստիտուտի գիտական անձնակազմի անհատական և խմբային 106 թեմաները:

Պլանավորված են հետևյալ ենթածրագրերը.

“Հայաստանի պատմամշակութային ժառանգության հնագիտական ուսումնասիրություն” (35 թեմա), “Հայոց ժողովրդական մշակութային ժառանգությունը և դրա փոխակերպումների արդի գործընթացը” (20 թեմա), “Արդի հայաստանյան հասարակության առօրյայի և կոլեկտիվ հիշողության ազգաբանական ուսումնասիրություն” (11 թեմա), “Սոցիալ-մշակութային գործընթացների էթնիկ առանձնահատկությունները ՀՀ քաղաքային և գյուղական բնակչության շրջանում” (8 թեմա), “Հայ բանահյուսական ժառանգության քննական և համեմատական ուսումնասիրություն” (10 թեմա), “Հայ ժողովրդական հեքիաթների ուսումնասիրության տեսական և տեքստաբանական խնդիրներ” (4 թեմա), “Մփյուռքի ուսումնասիրություն” (5 թեմա), “Կիրառական ազգագրություն” (8 թեմա), “Դիվան հայ վիմագրության” (3 թեմա), “Քարաշամբի դամբարանադաշտի պեղումների և ուսումնասիրության”(1 թեմա), “Արտաշատ մայրաքաղաքի պեղումներ և ուսումնասիրություն” (1 թեմա)

**Բ/ Դաշտային հնագիտական հետազոտություններ , ազգագրական և բանահյուսական հավաքչական գիտարշավներ:**

Ծրագրի շրջանակներում նախատեսվում է շարունակել հնագիտական և ազգագրական-բանահյուսական դաշտային հետազոտությունները: Դաշտային հետազոտական աշխատանքները տարվելու են ՀՀ բոլոր մարզերում, Արցախում և արտերկրի հայաշատ կենտրոններում:

Գ-Ե/ Բնաստիտուտի կողմից կազմակերպվող դաշտային հետազոտությունները պարտադիր ենթադրում են հայտնաբերված մշակութային արժեքների վերականգնում, վավերագրում և թանգարանացում, գտածոների անալիտիկ լաբորատոր հետազոտություններ, հնավայրերի գեոդեզիական քարտեզագրական և ճարտարապետական չափագրական աշխատանքներ:

**Զ/ Արխիվային նյութերի մշակում և ուսումնասիրություն:**

Տարիների ընթացքում ինստիտուտում ձևավորվել է ազգագրական և բանահյուսական հարուստ արխիվ: Արխիվը պարունակում է ինպես, մինչև առջին համաշխարհային պատերազմը Հայաստանի (Թուրքիայի արևելյան նահանգների) բնակչության, մշակույթի





ՕՐԱՅՈՒԹԱՅԻՆ ՊԼԱՆ

«Հայ հիսապիտոթյան, ազգագրության և բանասիրության արդի և ինովացիային զարգացման խնդիրները» ծրագրի  
(ծրագրի անվանումը)

ՀՀ,  
N 7-13  
Հավելված 2  
2015թ.

NN Ը/Գ	Իրականացվելիք միջոցառումներ					
	անվանումը	համառոտ բովանդակություն	կատարման ենթակա գործառնությունների նկարագրի	ակնկալվող արդյունքները և դրանց գնահատման չափանիշները	վերջնա ժամկետը	պահանջվող գումարը (դրամ)
	Գիտահետազոտական և գիտակարգ-մակերդյալ-կան աշխատանքներ՝ I-փուլ	Ա/Օրացրով բնթագի տարվա հատար, նախատեսված ենթաօրացների և թեմաների կատարում և արդյունքների քննարկում, Բ/ 2014թ. պետական գիտական հաշվետվությունների կազմում և քննարկում, Գ/Մշակութային արժեքների վերականգնում, վավերացում և թանգարանացում, Դ/Անապիտիկ լսարարար հետազոտություններ, Ե/Արևիկային նյութերի սնվում և ուսումնասիրություն, Ն/Գիտական ուսումնասիրությունների հրատարակում, Է/Կարգերի պատրաստում և վերապատրաստում, Ը/ սեմինարների և կիր սե-րաների կազմակերպում, Թ/Ինտերնետային կայքի գործարկում և թարմացում, ԺԱ/ Դաշտային հնագիտական հետազոտություններ /պետական/ ազգագրական և բանասիրական հավաքչական գիտարշակներ, ԺԲ/ Գեոլոգիական քարտեզագրական և ճարտարապետական չափագրական աշխատանքներ, ԺԳ/ Ենթակառուցվածքի պահ-	Գիտական հետազոտություններ, տիպայների համակարգում, համակարգչային մշակում և վերլուծություն, հնագիտական նյութերի վերականգնում, լսարարար անապիտիկություններ ուսումնասիրությունների արդյունքների քննարկում, ուսումնասիրությունների՝ հրատարակություն, նախապատրաստում, տեքստերի կազմում, նյութերի թվայնացում, կայքի գործարկում, գիտաճորդների կազմակերպում, նյութական և ոչ նյութա-	Գիտական հրատարակություններ, մշակութային արժեքների գիտական նկարագրություն, վերականգնում, թանգարանացում, ճարտարապետական չափագրություններ, մշակութային արժեքների լուսանկարներ, գրչանկարներ, գեոլոգիական հատվածներ, քարտեզներ: Արդյունքների գնահատման չափանիշներն են՝ գիտության ժամանակակից պահանջներին, մեթոդներին ու մեթոդաբանությանը համապատասխան ուսումնասիրությունների արդյունավետացումը և գիտական նկարագրությունը, որոնք հինը են	2015 թ. հունվար-հունիս	146876400

	<p>պանություն և բնական գործունեության սպառնալուծման ընթացիկ աշխատանքներ: Դրին և Արենի 1 հեռավորների բարեկարգման, ամրակայման ծրագրի առաջին փուլի կրթականացում:</p>	<p>կան մշակութային ժառանգության ռազմավարական դաշտային ուսումնասիրություն՝ պեղումների և գիտարձակների կազմակերպում</p>	<p>ծառայելու նյութական և ոչ նյութական մշակութային արժեքների, հուշարձանների պահպանության, արժուրանի, հանրահոշակման, նույնականացման, գրոսաշքության նպատակներով օգտագործման, դասագրքերի ստեղծման, հեռուստատեսային հարրությունների, ֆիլմերի ստեղծման, ավանդական կենցաղի, ավանդությունների, հայկական ժառանգության, ֆոլկլորի պահպանության, ազգային ինքնության պահպանության, հայրցքաղաքակրթության հիմնական բաղադրատարրերի հիմնավորման համար:</p>	<p>2015 թ. հունիս-դեկտեմբեր</p>	<p>179515600</p>
<p>Գիտահետազոտական և գիտակրթական կենտրոնի II-փուլ</p>	<p>Ա/1. "Հայաստանի պատմամշակութային ժառանգության հնագիտական ուսումնասիրություն", 2. "Հայրցք ժողովրդական մշակութային ժառանգությունը և դրա փոխակերպումների արդի գործընթացը", 3. "Արդի հայաստանյան հասարակության արտյայի և կոլեկտիվ հիշողության ազգայնական ուսումնասիրություն", 4. "Սոցիալ-մշակութային գործընթացների կոնկրետ առանձնահատկությունները 22 բաղադրային և գյուղական բնակչության շրջանում", 5. "Հայ բանահյուսական ժառանգության բնույթն և համեմատական ուսումնասիրություն", 6. "Հայ ժողովրդական հեքիաթների ուսումնասիրության տեղական և տեքստայնական խնդիրներ", 7. "Գիտահետազոտական կենտրոնի և ուսումնասիրություն", 9. Արտաշատ մայրաքաղաքի պեղումներ և ուսումնասիրություն", 10. "Դրական հայ</p>	<p>Գիտական հետազոտություններ, տվյալների համակարգում, համակարգչային մշակում և վերլուծություն, հնագիտական նյութերի վերականգնում, լաբորատոր անալիզներ, գիտական ուսումնասիրությունների արդյունքների քննարկում, ուսումնասիրությունների՝ հրատարակության նախատարադատում, տեքստի կազմում, նյութերի թվայնացում, կայքի գործարկում, գիտաժողովների կազմակերպում, նյութական և ոչ նյութական</p>	<p>Գիտական նպատակներ, մշակութային արժեքների գիտական նկարագրություն, վերականգնում, թանկարանացում, քաղաքակրթական չափագրություններ, մշակութային արժեքների լուսանկարներ, գրչանկարներ, գեղարվեստական նյութեր, բարտեղներ: Արդյունքների գնահատման չափանիշներն են՝ գիտության ծանուսակալից պահանջներին, մեթոդականության ու մեթոդաբանությունը համապատասխան ուսումնասիրությունների արդյունավետության հեքի ստեղծումը, դասակարգումը և գիտական նկարագրությունը, դրանք հիմք են</p>	<p>2015 թ. հունիս-դեկտեմբեր</p>	<p>179515600</p>

	<p>վիճաբանության” հերթաձրագրերի կատարման ավարտական հաշվախությունների նկատարարատառում և քննարկում: “Միլիտերի ուսումնասիրություն” հերթաձրագրի կատարում և տարեկան արդյունքների քննարկում: Բ/ Մշակութային արժեքների վերականգնում, փակերացում և թանգարանացում, Դ/Անախտիկ լսողությամբ հետազոտություններ, Ե/Արհիվային նյութերի մշակում և ուսումնասիրություն: Տ/Գիտական ուսումնասիրությունների արտատրակում: Ը/Վերականգնողական և վերապատրաստում: Ը/ Գիտաժողովների, սեմինարների և կոր սեղանների կազմակերպում: Թ/ Ինտերնետային կայքի գործարկում և թարմացում: ԺԱ/ Դաշտային հեռագիտական հետազոտություններ/պեդոլոգիայի, ազգագրական և բանահյուսական հավաքչական գիտարկումներ, ԺԲ/ Գեոլոգիական քարտեզագրական և ճարտարապետական չափագրական աշխատանքներ, ԺԳ/Ենթակառուցվածքի պահպանության և բնական գործունեության ապահովման ընթացիկ աշխատանքներ: ԺԴ/ Գիտաժողովների կամակերպում:</p>	<p>մշակութային ժառանգության դաշտային ուսումնասիրություն պետություն և գիտաբանական կազմակերպում</p>	<p>ծառայելու նյութական և ոչ նյութական մշակութային արժեքների, հուշարձանների պահպանության, արժևորման, հանրահայտման, նույնականացման, գրասաշրջության նպատակներով օգտագործման, դատագրերի, հետազոտության հարցերում: Ի/ ֆիլմերի ստեղծման, ավանդական կենցաղի, ավանդությունների, էպիկական ժառանգության, ֆոլկլորի պահպանության, ազգային ինքնության պահպանության, հարց քարտեզակիրության հիմնական քարտեզագրության հիմնասկզբունքները:</p>	<p>Մարտի 11, 2000</p>
--	--	---	--	-----------------------

ՀՀ գիտությունների ազգային ակադեմիա

Նախագահ՝ Ս. Սարգսյան



ՀՀ ԳԱԱ հետազոտության և ազգագրության ինստիտուտ

Տնօրեն՝ Պ. Ապետիսյան



«27» 01 Հավելված 3  
2015 թ.  
N 2-22 պայմանագրի

ԱՐՁԱՆԱԳՐՈՒԹՅՈՒՆ

**Պայմանագրի գնի մասին համաձայնության  
Հայ հնագիտության, ազգագրության և բանահյուսության արդի և հետանկարային  
զարգացման խնդիրները» ծրագրի  
(ծրագրի անվանումը)**

Մենք՝ ներքոստորագրողներս, ի դեմս ՀՀ ԳԱԱ նախագահ Ռադիկ Մարտիրոսյանի և ի դեմս ՀՀ ԳԱԱ հնագիտության և ազգագրության ինստիտուտ ՊՈԱԿ-ի տնօրեն Պավել Ավետիսյանի, վկայում ենք, որ Կողմերը համաձայնություն են ձեռք բերել «27» 01 2015թ. N 2-22 պայմանագրով աշխատանքի արժեքի վերաբերյալ՝ 326392000 (երեք հարյուր քսանվեց միլիոն երեք հարյուր ինստուներկու հազար) ՀՀ դրամ գումարի չափով:

Սույն արձանագրությունը հիմք է Կողմերի միջև փոխադարձ հաշվարկների և վճարումների համար:

ՀՀ ԳԱԱ նախագահություն

ք. Երևան, Մարշալ Բաղրամյան պող., 24

Արարատ բանկ ԲԲՀ/հ 1510005175820100  
ՀՎՀՀ 00005673

Նախագահ՝ Ռ.Մարտիրոսյան

ՀՀ ԳԱԱ հնագիտության և  
ազգագրության ինստիտուտ

ք. Երևան, Չարենցի 15

ԱՄԵՐԻԱ բանկ Հ/հ 1570003154220100  
ՀՎՀՀ 1501503104

Տնօրեն՝

Պավել Ավետիսյան

  
ՌԱԴԻԿ ՄԱՐՏԻՐՈՍՅԱՆ  


  
(ստորագրություն)  


